

南明贛事繫年錄

南城歐陽祖經編輯

江西古稱節義之鄉，有宋一代，與外患相終始，而如洪皓胡銓張叔夜胡直孺文天祥謝枋得諸賢，正氣凜然，足以廉頑立懦。降及明季，北都南都相繼陷，唐桂諸王，支撐於殘山剩水中，忠義奮發，所在多有，水萬折而必東，金百鍊而逾勁，江西亦不乏可歌可泣之事。雖匡復志業終於無成，然中國之所以爲中國，實賴有此成仁取義之精神以相維繫。所謂「生死事小，人格事大」者：亦卽文文山「生死安足論」之遺訓，而三綱繫命，必以道義爲之根，立國之本原在此，爲人之本原亦在此，此不可得與民變革者也。盱衡時變之餘，爰取南明贛事最錄之。風簷展書讀，古道照顏色，悠悠蒼天，彼何人哉！

(一) 明崇禎十七年甲申(清順治元年，公曆一六四四)，五月，國變凶

問至南昌，楊廷麟劉同升及省紳哭臨澹臺祠。

明莊烈帝崇禎十七年春正月朔，李自成僭號於西安，二月，長驅東犯，三月，遂薄都城，京營兵潰，十八日丙午日晡，外城陷，翌日丁未味爽，內城陷。帝崩於萬歲山。御書衣襟曰：「朕涼德藐躬，上干天咎，然皆諸臣誤朕，朕死無面目見祖宗，自去冠冕，以髮覆面，任賊分裂，無傷百姓一人！」自大學士范景文而下死者數十人。贛人殉義，則以李邦華吳甘來爲最著。是年夏四月，清兵破賊於山海關，五月，入京師。百世之後，讀史者猶有餘慟焉。

邦華字孟閻，吉水人。黃道周所稱爲「百鍊餘鋼名滿天下」者也。受業同里鄒元樞。萬歷三十二年進士，官至兵部右侍郎，乞歸。崇禎元年四月，起工部右侍郎，尋改兵部，協理戎政，晉尙書，罷官。至十五年冬累起爲左都御史。甲申春，流賊內訌，帝召對羣臣，欵歎泣下，邦華極言西北危狀，密奏請東宮撫軍南京，及永定二王分封，皆不報。三月，大同昌平陷。魏藻德以新進獵相位，望日，邦華至內閣請發帑城守，

漢德猶笑語姑待，邦華頓足出，已而賊薄都城矣！京營兵故詭竄，守陴政委中官，緩急不可倚，邦華遂率諸侍御乘城，急遣家人歸訣，越三日外城陷，因移寓文信國祠。十九日早，內城復陷，急奔往，而闕門閉矣！號泣遯遠。肅衣冠，北面再拜，三揖信國，取白纁書贊結衣帶間，曰：「一堂掌丈夫，聖賢爲徒，忠孝大節，誓死靡渝。遭國不造，空負良謨。臨危授命，庶無愧吾」。書畢，自縊，年七十有一。南都贈吏部尙書，諡忠文。（江人事）

甘來字和受，新昌人。崇禎元年戊辰進士。累遷戶科都給事中。甲申三月十九日，京師陷，競傳駕南狩，乃匍匐赴皇城不得入，痛哭還，家人進飲食，却之，作書數紙貽兄弟及諸子，簡平生諫草盡焚之，隨衣冠乘藎，北向拜者五，南向拜者四，賦絕命詞曰：「到底誰貽國事憂？疾雷悄悄破城頭。君臣義命乾坤險，鳥鼠干戈風雨秋。極目江山空灑淚，傷心離亂此生休。懸知今日難爲計，惟取忠肝萬古留」。卽引佩帶自縊。南都時贈太常寺正卿，諡忠節。（江人事）。

楊廷麟，字伯祥，一字機部，清江人。崇禎四年進士，官翰林院編修。閣臣楊嗣昌與總制盧公象昇有郤，兵事無不中制。公抗疏請斬嗣昌，專任象昇，謂：「南仲在內，李綱無功，潛善秉成。宗澤隕恨。國有若人，非疆場福」。嗣昌恚甚，遂謫公兵部職方司主事，隨盧公軍贊畫，益加阻撓，致盧公敗績，歿於陣，公護其喪歸。（汪有典撰楊相國傳）。

廷麟罷歸清江，枯槁行吟，形神都瘁。每詩札自稱兼山，意蓋謂兼文謝二山，以死自矢矣！（江人事）。

劉同升，字晉卿，吉水人。崇禎，丑廷對第一，授翰林修撰。乞假省墓歸。後以論楊嗣昌謫福建按察司知事，未赴而國變。聞之，痛哭幾絕。乃馳檄通告十三郡鄉官士庶，興義復讎，縞素辭墓，至會城，與楊廷麟遇，大集澹臺祠，爲思宗發喪，獨吉誓師啓行。（南疆釋史）。

考證：江城舊事引陳士業龍沙別友記云：「崇禎甲申三月京師陷，楊廷麟寓江西會城